

ხელშეკრულება № 163
სახელმწიფო შესყიდვის შესახებ
(კონსოლიდირებული ტენდერი № CON170000090)

ქ. ბათუმი

30 ივლისი 2018 წ.

ერთის მხრივ, აჭარის ავტონომიური რესპუბლიკის უმაღლესი საბჭო (შემდგომში - შემსყიდველი), წარმოდგენილი უმაღლესი საბჭოს აპარატის უფროსის მაია ხაჯიშვილის სახით და მეორეს მხრივ, შპს „თეგეტა მოტორსი“ (შემდგომში - მიმწოდებელი), წარმოდგენილი (მინდობილობა N0012, გაცემის თარიღი: 03.01.2018 წელი, მინდობილობის ასლი თან ერთვის ხელშეკრულებას), ბათუმის ფილიალის დირექტორის პაატა დუმბაძის სახით, „სახელმწიფო შესყიდვების შესახებ“ საქართველოს კანონის 20² მუხლის, სახელმწიფო შესყიდვების სააგენტოს თავმჯდომარის 2015 წლის 21 ოქტომბრის №14 ბრძანებით დამტკიცებული „საბურავების კონსოლიდირებული ტენდერის ჩატარების წესისა და პირობების“, მცირე ტვირთამწეობის ავტომანქანების ზაფხულის სეზონის საბურავების 2018 წლის კონსოლიდირებული ტენდერის სატენდერო დოკუმენტაციის, აგრეთვე „2017-2018 წლების განმავლობაში საბურავების სახელმწიფო შესყიდვის კონსოლიდირებული ტენდერების საშუალებით განხორციელების თაობაზე“ საქართველოს მთავრობის 2017 წლის 7 აგვისტოს №1646 განკარგულების საფუძველზე ვაფორმებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6 „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „სატენდერო კომისია“ - „2017-2018 წლების განმავლობაში საბურავების სახელმწიფო შესყიდვის კონსოლიდირებული ტენდერების საშუალებით განხორციელების თაობაზე“ საქართველოს მთავრობის 2017 წლის 7 აგვისტოს №1646 განკარგულების საფუძველზე შექმნილი სატენდერო კომისია.

მუხლი 2. ხელშეკრულების საგანი

- 2.1. წინამდებარე ხელშეკრულების საგანია შემსყიდველისათვის აჭარის ავტონომიური რესპუბლიკის უმაღლესი საბჭოს ბალანსზე რიცხული „კია სერატო“ (სახელმწიფო ნომერი: SP819CO) მარკის ავტომანქანისათვის მცირე ტვირთამწეობის ავტომანქანის საბურავების (ზომით: R16 205/55) მიწოდება-შესყიდვა (შემდგომში - „საქონელი“) CPV-34351100 (შესყიდვის ობიექტის კლასიფიკატორის კოდი: CPV-34300000, ნაწილები და აქსესუარები სატრანსპორტო საშუალებებისა და მათი ძრავებისათვის), თანმდევი მომსახურებით (მონტაჟი, დემონტაჟი, ბალანსირება, წნევის გაზომვა და ა. შ).
- 2.2. მხარეები თანხმდებიან, რომ შესასყიდი საქონელი უნდა აკმაყოფილებდეს კონსოლიდირებული ტენდერის (№CON170000090) სატენდერო დოკუმენტაციითა და მისი დანართით განსაზღვრულ ტექნიკურ მაჩვენებლებს. უნდა იყოს ახალი, ქარხნული წარმოების და საგარანტიო ვადის ამოწურვამდე არ უნდა განიცადოს დეფორმაცია და უნდა ექვემდებარებოდეს ბალანსირებას, წინააღმდეგ შემთხვევაში საბურავი უნდა შეიცვალოს იდენტური პარამეტრების მქონე ახალი საბურავით.

მუხლი 3. ხელშეკრულების ღირებულება

- 3.1. შესასყიდი საქონლის (საბურავების) რაოდენობაა 2 (ორი) ცალი.
- 3.2. შესასყიდი საქონლის ერთეულის ფასი, ერთი ცალი საბურავის ღირებულება თანმდევი მომსახურებით შეადგენს 95.09 (სამოცდაცხრამეტი ლარი და ათი თეთრი) ლარს.
- 3.3. ხელშეკრულების ჯამური ღირებულება შეადგენს 190,18 ასოთხმოდდათი ლარი და თვრამეტი თეთრი) ლარს.

3.4. ხელშეკრულების ჯამური ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან (საბურავების მიწოდებასა და თანმდევ მომსახურებასთან) დაკავშირებულ მიმწოდებლის მიერ გაწეულ ყველა ხარჯს და საქართველოს კანონმდებლობით დადგენილ ყველა გადასახადს.

მუხლი 4. მხარეთა უფლებები და ვალდებულებები

4.1. მიმწოდებელი ვალდებულია:

- ა) დაიცვას ხელშეკრულებით გათვალისწინებული ყველა პირობა;
- ბ) საქონლის მიწოდება განახორციელოს კონსოლიდირებული ტენდერის სატენდერო დოკუმენტაციის მოთხოვნათა გათვალისწინებით;
- გ) პასუხი აგოს საბურავების ხარისხის შესაბამისობაზე სატენდერო დოკუმენტაციის მოთხოვნებსა და დანართებით დადგენილ ტექნიკურ მაჩვენებლებზე;
- დ) დაუყოვნებლივ უზრუნველყოს ინსპექტირების შედეგად ან/და საგარანტიო პერიოდის განმავლობაში საქონლის ექსპლუატაციისას გამოვლენილი ნებისმიერი ნაკლის, წუნის ან სხვა დეფექტის მქონე საბურავის შეცვლა იდენტური პარამეტრების მქონე ახალი საბურავით საკუთარი სახსრებით;
- ე) უზრუნველყოს შეუფერხებელი თანმდევი მომსახურების პროცესი;
- ვ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. მიმწოდებელი უფლებამოსილია მოსთხოვოს შემსყიდველს ხელშეკრულებით ნაკისრი ვალდებულებების შესრულება.

4.3. შემსყიდველი ვალდებულია:

- ა) განახორციელოს წინამდებარე ხელშეკრულებით გათვალისწინებული მოთხოვნების დაცვით მიმწოდებელი საქონლის ღირებულების ანაზღაურება;
- ბ) მიმართოს სატენდერო კომისიას ხელშეკრულების შეწყვეტის თაობაზე საკითხის გადაწყვეტის მიზნით, მიმწოდებლის მიერ კანონმდებლობით და კონსოლიდირებული ტენდერის შედეგად ნაკისრი ვალდებულების შეუსრულებლობის ან/და არაჯეროვანი შესრულების შემთხვევაში;
- გ) შეწყვიტოს ხელშეკრულება, სატენდერო კომისიის მიერ ხელშეკრულების შეწყვეტის შესახებ მითითების გაცემის შემთხვევაში;
- დ) უზრუნველყოს ხელშეკრულების პირობების შესრულების კონტროლი;
- ე) განახორციელოს ამ ხელშეკრულებით მასზე დაკისრებული სხვა ვალდებულებები.

4.4. შემსყიდველი უფლებამოსილია:

- ა) მიმწოდებლისაგან მოითხოვოს საქონლის მიწოდება კონსოლიდირებული ტენდერის სატენდერო წინადადებისა და სატენდერო დოკუმენტაციის მოთხოვნათა გათვალისწინებით;
- ბ) განახორციელოს საბურავის ინსპექტირება, რაც შეიძლება გულისხმობდეს საბურავის ვიზუალურ შემოწმებას ან შესაბამის ექსპერტიზას;
- გ) სატენდერო კომისიას მიმართოს შესაბამისი დასაბუთებით საბურავების ხარისხის გაუარესების თაობაზე. კომისიას უფლება აქვს, მიმწოდებელს მოსთხოვოს ექსპერტიზის ჩატარება მის მიერ მითითებულ საექსპერტო დაწესებულებაში და შედეგების სატენდერო კომისიისათვის წარდგენა. ასეთ შემთხვევაში ექსპერტიზის ხარჯებს გაიღებს შემსყიდველი ორგანიზაცია;
- დ) მიმწოდებლის მიერ ხელშეკრულებით გათვალისწინებული პირობების დარღვევის აღმოჩენის შემთხვევაში მისცეს მას მითითება ვალდებულებების დარღვევის გამოსწორების შესახებ ან მიმართოს სატენდერო კომისიას ხელშეკრულების შეწყვეტის თაობაზე საკითხის გადაწყვეტის მიზნით;
- ე) საქონლის მიწოდების ვადის ხუთზე მეტი სამუშაო დღით გადაცილების შემთხვევაში შემსყიდველ ორგანიზაციას უფლება აქვს მიმართოს სატენდერო კომისიას ხელშეკრულების შეწყვეტის თაობაზე.

მუხლი 5. ხარისხი და გარანტია

5.1. საქონლის ხარისხი უნდა შეესაბამებოდეს კონსოლიდირებული ტენდერის (№CON170000090) სატენდერო დოკუმენტაციითა და მისი დანართებით განსაზღვრულ ტექნიკურ მაჩვენებლებს. უნდა იყოს ახალი, ქარხნული წარმოების და საგარანტიო ვადის ამოწურვამდე არ უნდა განიცადოს დეფორმაცია და უნდა ექვემდებარებოდეს ბალანსირებას, წინააღმდეგ შემთხვევაში საბურავი უნდა შეიცვალოს იდენტური პარამეტრების მქონე ახალი საბურავით. საბურავზე მითითებული უნდა იყოს სეზონის შესაბამისი მარკირება.

5.2. საბურავების საექსპლუატაციო ვადა (გარანტია) შეადგენს არანაკლებ 50000 კილომეტრის გარბენის რესურსს.

5.3. ხელშეკრულებით განსაზღვრული საქონელზე (საბურავებზე) საგარანტიო პირობები ვრცელდება საბურავის სწორი ექსპლუატაციის შემთხვევაში მიღება-ჩაბარების აქტის გაფორმებიდან არანაკლებ 50000 კილომეტრ გარბენზე. საბურავმა არ უნდა მიიღოს დეფორმაცია, ნორმების დაცვით ექსპლუატაციისას საბურავის სამუხრუჭე მანძილი არ უნდა იწვევდეს საფრთხის შექმნას მგზავრებისათვის და საბურავმა არ უნდა გამოავლინოს ისეთი დეფექტები, რომელიც ხელს შეუშლის ტრანსპორტის ნორმალურ ექსპლუატაციას ან საფრთხეს შეუქმნის მგზავრების უსაფრთხოებას.

5.4. მიმწოდებელმა დაუყოვნებლივ უნდა უზრუნველყოს ინსპექტირების შედეგად ან/და საგარანტიო პერიოდის განმავლობაში საქონლის ექსპლუატაციისას გამოვლენილი ნებისმიერი ნაკლის, წუნის ან სხვა დეფექტის მქონე საბურავის შეცვლა იდენტური პარამეტრების მქონე ახალი საბურავით საკუთარი სახსრებით.

მუხლი 6. ხელშეკრულების პირობების შესრულების კონტროლი

6.1. შემსყიდველის მიერ ხელშეკრულების პირობების შესრულების კონტროლი განხორციელდება პერიოდულად როგორც საქონლის მიწოდების დროს, ისე ხელშეკრულების მოქმედების ვადის განმავლობაში შემსყიდველის მოთხოვნათა შესაბამისად.

6.2. შემსყიდველის შესაბამისმა წარმომადგენელმა საქონლის მიწოდებისთანავე უნდა ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია დაუყოვნებლივ საკუთარი სახსრებით შეცვალოს იგი იდენტური პარამეტრების მქონე ახალი საქონელით. კონტროლი შეიძლება გულისხმობდეს საბურავების ვიზუალურ შემოწმებას ან/და შესაბამის ექსპერტიზას.

6.3. ხელშეკრულებით ნაკისრი ვალდებულებების შესრულების ინსპექტირების განხორციელებაზე და შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირებს წარმოადგენს შემსყიდველის მიერ განსაზღვრული კოორდინატორები-აჟარის ავტონომიური რესპუბლიკის უმაღლესი საბჭოს აპარატის ლოჯისტიკისა და საფინანსო უზრუნველყოფის დეპარტამენტის სატრანსპორტო საშუალებათა მართვისა და ექსპლუატაციის განყოფილების უფროსი პლატონ მანჯგალაძე და ამავე განყოფილების უფროსი სპეციალისტი ზვიად ფარტენაძე.

მუხლი 7. საქონლის მიღება-ჩაბარების წესი

7.1. მიმწოდებელმა უნდა უზრუნველყოს კონსოლიდირებული ტენდერის სატენდერო წინადადებით ნაკისრ მომსახურების პუნქტებზე შესაბამისი მომსახურების გაწევა.

7.2. შესასყიდი საქონლის (საბურავების) მიწოდება უნდა განხორციელდეს ხელშეკრულების ხელმოწერიდან 2018 წლის 10 აგვისტომდე პერიოდში, შემსყიდველის მოთხოვნის შესაბამისად, კონსოლიდირებული ტენდერის სატენდერო დოკუმენტაციით დადგენილ ვადებში - მოთხოვნის წარდგენიდან არაუგვიანეს სამი სამუშაო დღისა.

7.3. წინამდებარე ხელშეკრულებით გათვალისწინებული საქონლის გადაცემის დადასტურების მიზნით, შემსყიდველსა და მიმწოდებელს შორის ფორმდება მიღება- ჩაბარების აქტი.

7.4. საქონელი ჩიათვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდგომ.

7.5. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

მუხლი 8. ანგარიშსწორება

8.1. ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში - ლარში, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2. შემსყიდველი ორგანიზაცია ვალდებულია, მიმწოდებლის მიერ საგადასახდო ანგარიშ-ფაქტურის წარმოდგენიდან 5 (ხუთი) სამუშაო დღის ვადაში დაადასტუროს ან უარი თქვას ანგარიშ-ფაქტურის დადასტურებაზე შესაბამისი დასაბუთებით. ანგარიშსწორება განხორციელდება ანგარიშ-ფაქტურის დადასტურებიდან 5 (ხუთი) სამუშაო დღის ვადაში.

მუხლი 9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

მუხლი 10. ხელშეკრულების პირობების შესრულებლობა

- 10.1. მიმწოდებლის მიერ ხელშეკრულების პირობების შესრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებით.
- 10.2. ხელშეკრულებით განსაზღვრული საქონლის მიწოდების ვადის გადაცილების შემთხვევაში, მიმწოდებელი ვალდებულია შემსყიდველი ორგანიზაციის სასარგებლოდ ყოველ ვადაგადაცილებულ დღეზე გადაიხადოს პირსაგამტეხლო ვადაგადაცილებით მიწოდებული საქონლის ღირებულების 0.5%.
- 10.3. სატენდერო კომისიის მიერ ხელშეკრულების შეწყვეტის შესახებ მითითების გაცემის შემთხვევაში, შემსყიდველი ორგანიზაციის სასარგებლოდ გადაიხადოს საჯარიმო თანხა, კონკრეტული ხელშეკრულებით შესასყიდი (დარჩენილი) საბურავების ღირებულების 20%-ის ოდენობით.
- 10.4. სანქციების დაწესება არ ათავისუფლებს მხარეებს ძირითადი ვალდებულებების შესრულებისაგან.

მუხლი 11. ხელშეკრულებაში ცვლილებების შეტანა

- 11.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.
- 11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

მუხლი 12. დავების გადაწყვეტა

- 12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით. მოლაპარაკებების შედეგად შეთანხმების მიუღწევლობის შემთხვევაში ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

მუხლი 13. ხელშეკრულების მოქმედების ვადა

- 13.1. ხელშეკრულება ძალაში შედის ხელმოწერის დღიდან და მოქმედებს 2018 წლის 20 აგვისტომდე.

მუხლი 14. ფორს-მაჟორი

- 14.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შესრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შესრულებლობა გამოწვეულია ფორს-მაჟორული მდგომარეობით.
- 14.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.
- 14.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შესრულებლობით გამოწვეული პასუხისმგებლობისგან.

მუხლი 15. ინტერესთა კონფლიქტი

- 15.1. შემსყიდველის მხრიდან ხელშეკრულებაზე ხელმომწერი პირი და კონტროლის (ინსპექტირების) განხორციელებაზე უფლებამოსილი პირები, „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად ადასტურებენ, რომ მათი მონაწილეობა აღნიშნულ შესყიდვაში არ იწვევს ინტერესთა კონფლიქტს.

მუხლი 16. სხვა პირობები

- 16.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.
- 16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

16.4. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმით იქნება შედგენილი და ხელმოწერილი მხარეთა მიერ.

მუხლი 17. მხარეთა რეკვიზიტები:

შემსყიდველი:

აჭარის ავტონომიური რესპუბლიკის უმაღლესი საბჭოს აპარატი, მისამართი: დაბა ჩაქვი, მეგენეიშვილის ქ. №25, საიდენტიფიკაციო კოდი - 245425749, სახელმწიფო ხაზინის ერთიანი ანგარიში, სახელმწიფო ხაზინის ბანკის კოდი: TRESGE22

უმაღლესი საბჭოს აპარატის უფროსი: მაია ხაჯიშვილი


(ხელმოწერა)



მიმწოდებელი:

შპს „თეგეტა მოტორსი“, მისამართი: ქ. თბილისი, დ. აღმაშენებლის ხეივანი მე-12 კმ. №5, საბანკო რეკვიზიტები: ანგარიშის №GE80TB0600000024467853, მიმღები ბანკი: სს „თიბისი ბანკი“, ბანკის კოდი: TBCBGE22, საიდენტიფიკაციო კოდი - 202177205, ტელეფონის ნომერი: 224 44 44; 599 09 09 10.

გენერალური დირექტორის მინდობილი პირი, ბათუმის ფილიალის დირექტორი: პაატა დუმბაძე


(ხელმოწერა)



ხელწერილი

ინტერესთა კონფლიქტის არარსებობის შესახებ

დაბა ჩაქვი

„30“ „07“, 2018 წ.

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, აჭარის ავტონომიური რესპუბლიკის უმაღლეს საბჭოსა და შ.პ.ს. „თეგეტა მოტორს“ შორის 2018 წლის „30“ „07“-“ გაფორმებული „სახელმწიფო შესყიდვების შესახებ“ N 163 ხელშეკრულებაზე ხელმოწერი პირი და ხელშეკრულების შესრულების კონტროლის (ინსპექტირების) განხორციელებაზე უფლებამოსილი პირები (კოორდინატორები) წინამდებარე ხელწერილზე ხელის მოწერით ადასტურებენ, რომ აჭარის ავტონომიური რესპუბლიკის უმაღლესი საბჭოს მიერ, CON170000090 კონსოლიდირებული ტენდერის საშუალებით, აჭარის ავტონომიური რესპუბლიკის უმაღლესი საბჭოს ბალანსზე რიცხული „კია სერატო“ (სახელმწიფო ნომერი: SP819CO) მარკის ავტომანქანისათვის მცირე ტვირთამწეობის ავტომანქანის საბურავების (ზომით: R16 205/55) თანმდევი მომსახურებით (მონტაჟი, დემონტაჟი, ბალანსირება, წნევის გაზომვა და ა. შ) სახელმწიფო შესყიდვის (CPV-34351100, შესყიდვის ობიექტის კლასიფიკატორის კოდი: CPV-34300000, ნაწილები და აქსესუარები სატრანსპორტო საშუალებებისა და მათი ძრავებისათვის) განხორციელების პროცედურებში მათი მონაწილეობა შ.პ.ს. „თეგეტა მოტორსთან“ მიმართებაში არ იწვევს ინტერესთა კონფლიქტს.

უმაღლესი საბჭოს აპარატის უფროსი:

 მაია ხაჯიშვილი

სატრანსპორტო საშუალებათა მართვისა და ექსპლუატაციის განყოფილების უფროსი:

 პლატონ მანჯგალაძე

სატრანსპორტო საშუალებათა მართვისა და ექსპლუატაციის განყოფილების უფროსი სპეციალისტი:

 ზვიად ფარტენაძე

№0012

03.01.2018წ.

მ ი ნ დ ო ბ ი ლ ო ბ ა

შპს „თეგეტა მოტორსის“ გენერალური დირექტორი თემურ კობოძე ენდობა ამავე საზოგადოების ბათუმის ფილიალის დირექტორს პაატა დუმბაძეს (პირადობის მოწმობა №131J64219) მასზედ, რომ მას აქვს უფლება ხელი მოაწეროს საქონლისა და მომსახურების მიწოდების, ნარდობის, მომსახურების ხელშეკრულებებზე. ასევე იქონს საზოგადოების წარმომადგენელი საჯარო რეესტრში, მინდობილი პირის სახელით ხელი მოაწეროს იჯარის ხელშეკრულებას, შეწყვიტოს, ვადა გააგრძელოს ან შეიტანოს ცვლილება მასში. შეასრულოს ყველა ის მოქმედება, რაც დაკავშირებულია აღნიშნული დავალების განხორციელებასთან.

მინდობილობა ძალაშია 2018 წლის პიანერიდან 2018 წლის 31 დეკემბრის ჩათვლით.

პირადი ხელმოწერა (პაატა დუმბაძე)

პირადი ნომერი: 61001029744

მისამართი: ბათუმი ჰ.აბაშიძის 10/12 ბინა 53

მოწმობის გამცემი ორგანოს დასახელება: იუსტიციის სამინისტრო

გაცემის თარიღი: 04.05.2015 წ

ამტკიცებს,

გენერალური დირექტორი

თემურ კობოძე


